

5 января, предпразд. Рождества Христова, Мучеников, иже в Крите

## 5 января, предпразд. Рождества Христова. Мучеников, иже в Крите

### ВЕЧЕРНЯ

По окончании 9-го часа священник произносит начальный возглас:

Благословен Бог наш всегда, ныне и присно, и во веки веков.

**Чтец:** Аминь. Приидите, поклонимся Цареву нашему Богу.

Приидите, поклонимся и припадём Христу Цареву нашему Богу.

Приидите, поклонимся и припадём Самому Христу, Цареву и Богу нашему.

### Псалом 103

Благослови, душе моя, Господа. Господи, Боже мой, возвеличился еси зело. Во исповедание и в велелепоту облелся еси. Одейся светом, яко ризою, простираяй небо, яко кожу. Покрываяй водами превыспренняя Своя, полагаяй облаки на восхождение Свое, ходяй на крилу ветреню. Творяй Ангелы Своя духи и слуги Своя пламень огненный. Основаяй землю на тверди ея, не преклонится в век века. Бездна, яко риза, одеяние ея, на горах станут воды, от запрещенія Твоего побегнут, от гласа грома Твоего убоятся. Восходят горы и нисходят поля в место, еже основал еси им. Предел положил еси, егоже не прейдут, ниже обратятся покрыти землю. Посылаяй источники в дебрех, посреде гор пройдут воды. Напаяют вся звери сельныя, ждут онагри в жажду свою. На тых птицы небесныя привитают, от среды камня дадут глас. Напаяяй горы от превыспренних Своих, от плода дел Твоих насытится земля. Прозябаяй траву скотом, и злак на службу человеком, извести хлеб от земли. И вино веселит сердце человека, умастити лице елеем, и хлеб сердце человека укрепит. Насытятся древа польская, кедри Ливанстии, ихже еси насадил. Тамо птицы вогнездятся, еродиево жилище предводительствует ими. Горы высокие еленем, камень прибежище заяцем. Сотворил есть луну во времена, солнце позна запад свой. Положил еси тму, и бысть ночь, в нейже пройдут вси зверие дубравнии. Скимни рыкающие, восхитити и взыскати от Бога пищу себе. Возсия солнце и собращася и в ложах своих лягут. Изыдет человек на дело свое и на делание свое до вечера. Яко возвеличишася дела Твоя, Господи, вся премудростию сотворил еси, исполнися земля твари Твоея. Сие море ве-

## 5 января, предпразд. Рождества Христова, Мучеников, иже в Крите

лікое и простра́нное, та́мо га́ди, ѿмже несть числа́, живо́тная ма́лая с вели́кими, та́мо корабли́ препла́вают, змий сей, егѡже созда́л еси ру́гати́ся е́му. Вся к Тебе́ ча́ют, да́ти пи́щу им во бла́го вре́мя. Да́вшу Тебе́ им соберу́т, отве́рзшу Тебе́ ру́ку вся́ческая испѡлнятся бла́гости, отвра́щшу же Тебе́ лице́, возме́уться, отъѡмеша́ дух их, и исче́знут, и в персть свою́ возвратя́тся. По́слеши Ду́ха Твоего́, и сози́ждутся, и обнові́ши лице́ земли́. Буди́ сла́ва Госпо́дня во ве́ки, возвеселі́тся Госпо́дь о де́лах Свои́х, призира́я на зе́млю, и твора́я ю́ трясти́ся, прикаса́яся гора́м, и дыма́тся. Воспою́ Го́сподеви в животе́ моём, пою́ Бо́гу моему́, до́ндеже есмь, да усладі́тся Е́му бесе́да моя́, аз же возвеселю́ся о Го́споде. Да исче́знут грѣшницы́ от земли́, и беззако́нницы, я́коже не бы́ти им. Благосло́ви, душе́ моя́, Го́спода.

Со́лнце позна́ запа́д свой. Положи́л еси́ тму, и бысть но́щь. Я́ко возвели́чишася дела́ Твоя́, Го́споди, вся премудростию сотвори́л еси́.

Сла́ва Отцу́ и Сы́ну и Свято́му Ду́ху, и ны́не и прісно́ и во ве́ки веко́в. Ами́нь. Аллилу́иа, аллилу́иа, аллилу́иа, сла́ва Тебе́ Бо́же *(трижды)*.

### Ектенія великая

**Диакон:** Міром Го́споду помѡлимся.

**Лик:** Го́споди, помілуй. *(на каждое прошение)*

**Диакон:** Пресвяту́ю, Пречістую, Преблагословѣнную, Сла́вную Влады́чицу на́шу Богоро́дицу и Присноде́ву Мари́ю со все́ми святы́ми помяну́вше, са́ми себе́ и друг дру́га, и весь живо́т наш Христу́ Бо́гу преда́дим.

**Лик:** Тебе́, Го́споди.

**Священник:** Я́ко подобает Тебе́ вся́кая сла́ва, честь и поклонѣние, Отцу́, и Сы́ну, и Свято́му Ду́ху, ны́не и прісно́, и во ве́ки веко́в.

**Лик:** Ами́нь.

### Стихиры на «Господи, воззвах»

**Канонарх:** Глас 4, Го́споди, воззва́х к Тебе́, услы́ши мя.

**Лик:** Го́споди, воззва́х к Тебе́, услы́ши мя./ Услы́ши мя, Го́споди./ Го́споди, воззва́х к Тебе́, услы́ши мя:/ вонми́ гла́су моле́ния моего́,/ внегда́ воззва́ти ми к Тебе́.// Услы́ши мя, Го́споди.

**5 января, предпразд. Рождества Христова, Мучеников, иже в Крите**

Да испр́авится моли́тва моя́,/ я́ко кади́ло пред Тобо́ю,/ возде́яние руку́ моёю/ же́ртва вече́рняя. // Услы́ши мя, Го́споди.

**Предпразднство Рождества Христова на 3**

**На 6, стих:** А́ще беззако́ния на́зриши, Го́споди, Го́споди, кто постои́т? / Я́ко у Тебе́ очище́ние есть.

Предпра́зднственныя пе́сни,/ мы́сли пра́востию,/ Христо́ва Рожде́ства́ предвозгласи́м:/ Отцу́ бо и Ду́ху Сый равноче́стен,/ за милосе́рдие в на́ше оде́явся смеше́ние,/ има́ть роди́тися в Вифле́еме гра́де;/ Егóже Рожде́ство́ несказáнное// па́стырие со А́нгелы воспéша.

**Стих:** И́мене ра́ди Твоегó потерпéх Тя, Го́споди, потерпé душа́ моя́ в сло́во Твое́, /

упова́ душа́ моя́ на Го́спода.

В кимва́лех возгласи́м,/ в пе́снях воскликнем:/ Христо́во явлéние показáся,/ проро́ческая пропове́дания конéц при-я́ша:/ Егóже бо прореко́ша плóтию челове́ком яв́итися,/ ра-ждáется во святе́м верте́пе,/ и в я́слех возлега́ет, я́ко Отро-ча́, // и пелена́ми повивáется, я́ко Младéнец.

**На 4, стих:** От стра́жи у́тренния до но́щи, от стра́жи у́тренния, / да упова́ет Изра́иль на Го́спода.

Вифле́еме, угото́вися,/ Еде́ме, ны́не отве́рзися:/ роди́ти Всесвята́я идет;/ Небеса́ да веселя́тся,/ да игра́ют челове́цы:/ в я́слех Жи́знь, в верте́пе Богáтый,/ приходи́т мно́жества ра́ди ми́лости,/ нищету́ Ада́мову воспри́йм// кроме́ преложéния и смеше́ния.

**5 января, предпразд. Рождества Христова, Мучеников, иже в Крите**

**мучеников, иже в Крите на 3**

***Глас 4: Стих:*** Яко у Гóспода мѣлость, и мно́гое у Него́ избавлѣние, /  
и Тóй избáвит Израїля от всѣх беззакóний его́.

Десяти́це Богозвáнная/ и свещá десятосвѣтлая,/  
Божѣственнымнми сия́нии озаря́ющи церкóвное  
исполнѣние,/ столпѣ непоколѣбленнми,/ звѣзды свѣтлыя,/  
їже зѣмлю онебесѣвше/ светлостьмѣ величáйших  
пóдвигов,// похвалáми священными велегласно да  
восхваля́ются днесь.

***На 2, стих:*** Хвалите Гóспода всѣ язы́цы, /  
похвалите Его́ всѣ лю́дие.

Да похва́лится Феоду́л,/ Зо́тик же и Помпѣй./ Васи́лд,  
Евпо́р, Агафо́пус же и Саторни́н,/ Гелáсий же и  
Божѣственный Евáрест,/ с нѣмиже и Евникиáн/ нѣне да  
почтѣтся пѣсньми,/ всеблаготѣшная сущим в бѣри  
приста́нища,/ їже прѣлесть обличѣвше// и вене́ц  
победѣтельный приѣмше.

***Стих:*** Яко утвердѣся мѣлость Его́ на нас, /  
и їстина Господня пребывáет во вѣк.

Крѣтская прозябѣния,/ церкóвная утверждѣния/ и вѣрных  
неувядáемая украшѣния,/ райстии сладкодохновѣннми  
цвѣти честнѣи,/ благоприятная Христóва и красная зако-  
лѣния/ и возложѣния Небѣснаго хра́ма,/ десяти́цу Трóицы  
святу́ю// страсотѣрпцев почтѣм.

***Слáва, глас 3:***

**Слава Отцу́, и Сы́ну, и Свято́му Ду́ху.**

**5 января, предпразд. Рождества Христова, Мучеников, иже в Крите**

Предпразднственный днесь мучеников настá праздник,/ рождественный нам предподписующ день,/ от Солнца Солнце,/ от Девы Бóга, явльшася плóтию, проповедающ,/ десятица мучеников, в Крите крѣпко пострадавшая,/ венцы победы от Небесé прияша./ К нимже возопийм:// лице святоизбранный, молите Христа, святѣи мученицы,// о верою совершающих всечестную память вашу.

**И ныне, глас 3:**

и ныне, и присно, и во веки веков. Аминь.

Благоукрасися, Вифлееме,/ отверзеса бо Едем;/ готовися, Евфрафо,/ обновляется бо Адам и Ева с ним;/ клятва бо разорися, спасение миру процветѣ,/ и души праведных украшаются/ яко дар дароносия, вместо мира пение приносяще,/ спасение душевное и нетление приемлюще./ Се бо в яслех возлежай/ предповелевает песнопение духовное совершати вопиющим непрестанно:// Господи, слава Тебе.

### **Вечерняя песнь Сыну Божию**

Свете Тихий святѣя славы,/ Безсмертнаго, Отца Небеснаго,/ Святаго Блаженнаго, Иисусе Христѣ./ Пришедше на запад солнца,/ видевше свет вечерний,/ поем Отца, Сына и Святаго Духа, Бóга./ Достóин еси во вся временá/ пѣти быти гласы преподобными,/ Сыне Бóжий, живот дай,/ темже мир Тя славит.

**Диакон:** Вонмем.

**Священник:** Мир всем.

**Лик:** И духови твоему.

### **Прокимен**

**В неделю вечера, глас 8:**

**Диакон:** Премудрость. Вонмем. Прокимен, глас 8.

**5 января, предпразд. Рождества Христова, Мучеников, иже в Крите**

Се ныне благословіте Гóспода, / вси раб́и Госпóдни.

**Лик:** Се ныне благословіте Гóспода, / вси раб́и Госпóдни.

**Диакон:** Бóже, услы́ши моли́тву мою́, внуши́ глаго́лы уст мои́х.

**Лик:** Се ныне благословіте Гóспода, / вси раб́и Госпóдни.

**Диакон:** Се ныне благословіте Гóспода,

**Лик:** вси раб́и Госпóдни.

В неделю вечера. Глас 8

Се ныне благословіте Господа, вси раби Господни.

### Молитва при наступлении вечера

**Чтец:** Сподóби, Гóсподи, в вéчер сей без грехá сохранитися нам. /  
Благословén еси́, Гóсподи Бóже отéц на́ших, / и хва́льно и просла́влено  
и́мя Твое́ во вéки, ами́нь. /

Бúди, Гóсподи, мило́сть Твоя́ на нас, я́коже упова́хом на Тя. / Благосло-  
вén еси́, Гóсподи, научи́ мя оправданием Твои́м. / Благословén еси́, Вла-  
ды́ко, вразуми́ мя оправданием Твои́м. / Благословén еси́, Святы́й, про-  
свети́ мя оправдании Твоими́. /

Гóсподи, мило́сть Твоя́ во век, дел руку́ Твоею́ не презри. / Тебе́ подо-  
ба́ет хвалá. Тебе́ подобáет пéние, / Тебе́ сла́ва подобáет, Отцú и Сы́ну и  
Свято́му Дúху, / ны́не и пр́сно и во вéки веко́в. Ами́нь.

### Ектения просительная

**Диакон:** Испóлним вечернюю́ моли́тву на́шу Гóсподеви.

**Лик:** Гóсподи, помíлуй.

**Диакон:** Заступи́, спаси́, помíлуй и сохрани́ нас, Бóже, Твоею́ благода́тию.

**Лик:** Гóсподи, помíлуй.

**Диакон:** Вéчера всего́ совершénна, свята́, мирна́ и безгрéшна у Гóспода  
прóсим.

**Лик:** Пода́й, Гóсподи. *(на каждое прошение)*

**5 января, предпразд. Рождества Христова, Мучеников, иже в Крите**

**Диакон:** Пресвятую, Пречистую, Преблагословенную, Славную Владычицу нашу Богородицу и Приснодеву Марию со всеми святыми помянувши, сами себе и друг друга, и весь живот наш Христу Богу предадим.

**Лик:** Тебе, Господи.

**Священник:** Яко благ и человеколюбец Бог еси, и Тебе славу возсылаем, Отцу, и Сыну, и Святому Духу, ныне и присно, и во веки веков.

**Лик:** Аминь.

**Священник:** Мир всем.

**Лик:** И духови твоему.

**Диакон:** Главы наша Господеви приклоним.

**Лик:** Тебе, Господи.

**Священник:** Буди держава Царствия Твоего благословена и препрославлена, Отца, и Сына, и Святаго Духа, ныне и присно, и во веки веков.

**Лик:** Аминь.

### **Стихиры на стиховне**

**Предпразднство Рождества Христова на 3**

**Канонарх:** Глас 6, Безмерная мудрость Божия,  
Безмерная мудрость Божия, / дом Себе паче ума от Девы  
созда Христос / и хочет в вертепе и яслех безсловесных //  
плотию родиться паче смысла.

**Стих:** Бог от юга придет /  
и Святой из горы приосененныя чаши.

Явился еси пророком, Христе, / яко мощно бе видети Тя,  
Зиждителя, / в последних же временах всем показался еси  
человеком // во граде Вифлееме, Человек быв.

**Стих:** Господи, услышах слух Твой и убояхся; /  
Господи, разумех дела Твоя и ужасохся.

**5 января, предпразд. Рождества Христова, Мучеников, иже в Крите**  
Обтечѣ, возвещáющи звездá/ Сólнце Прáвды – Христá –  
звездослóвцем/ во граде Вифлеéме,/ и А́нгели пáстырем  
нýне благовествúют, // с нýmiже потецѣм, Богомúдрии.

**Слава, глас 2:**

Слáва Отцú, и Сýну, и Святóму Дúху.

Крит предпразднствует днесь Рождествó Христóво/ в  
пáмяти страсотѣрпцев./ Тѣмже молítвами их, Гóсподи, //  
спасí дúши нáша.

**И ныне, глас 2:**

и нýне, и прíсно, и во вѣки векóв. Амíнь.

Се врѣмя приближися спасѣния нáшего,/ готóвися,  
вертѣпе,/ Дѣва приближáется родíти;/ Вифлеéме, землѣ  
Иúдова, красúйся и веселíся,/ я́ко из тебѣ возсия́ Госпóдь  
наш./ Услýшите, горы́ и хóлми/ и окрѣстныя страны́  
Иудѣйския,/ я́ко грядѣт Христóс,/ да спасѣт, егóже созда,  
человѣка, // я́ко Человеколюбец.

### **Молитва святого Симеона Богоприимца**

**Чтец:** Нýне отпущáеши рабá Твоегó, Влады́ко, / по глагóлу Твоемú с  
мíром: / я́ко видеста óчи мой спасѣние Твое, / е́же еси́ уготóвал пред ли-  
цѣм всех людѣй, / свет во откровѣние язýков, / и сла́ву людѣй Твои́х Из-  
раи́ля.

Святýй Бóже, Святýй Крѣпкий, Святýй Безсмѣртный, помíлуй нас  
**(трижды).**

Слáва Отцú и Сýну и Святóму Дúху, и нýне и прíсно и во вѣки векóв.  
Амíнь.

Пресвятáя Трóице, помíлуй нас; Гóсподи, очíсти грехí нáша; Влады́ко,  
простí беззакóния нáша; Святýй, посетí и исцелí нѣмощи нáша, íмене  
Твоегó рáди.

Гóсподи, помíлуй **(трижды).**

**5 января, предпразд. Рождества Христова, Мучеников, иже в Крите**

Сла́ва Отцу́ и Сы́ну и Свято́му Ду́ху, и ны́не и прісно и во ве́ки веко́в. Ами́нь.

О́тче наш, И́же еси́ на Небесе́х! Да святі́тся імя Твое́, да приі́дет Ца́рствие Твое́, да бу́дет во́ля Твоя́, я́ко на Небеси́, и на землі. Хлеб наш насущный даждь нам днесь; и оста́ви нам до́лги на́ша, я́коже и мы оставля́ем должникомъ на́шим; и не введи́ нас во искуше́ние, но изба́ви нас от лука́ваго.

**Священник:** Яко Твое́ есть Ца́рство, и си́ла, и сла́ва, Отца́, и Сы́на, и Свята́го Ду́ха, ны́не и прісно, и во ве́ки веко́в.

**Лик:** Ами́нь.

**Тропари**

Тропарь мучеников, иже в Крите, глас 4.

Му́ченицы Твои́, Го́споди,/ во страда́ниих свои́х венцы́ прия́ша нетле́нныя от Тебе́, Бо́га на́шего,/ імуще бо крѣпость Твою́, мучітелей низложи́ша,/ сокруши́ша и де́монов немощны́я дерзости./ Тех моли́твами// спаси́ ду́ши на́ша.

Сла́ва Отцу́, и Сы́ну, и Свято́му Ду́ху, и ны́не, и прісно, и во ве́ки веко́в. Ами́нь.

Тропа́рь предпра́зднства Рожде́ства Христо́ва, глас 4:

Гото́вися, Вифле́еме,/ отве́рзися всем, Еде́ме,/ красу́йся, Евфра́фо,/ я́ко дре́во живото́а в верте́пе процветé от Де́вы:/ рай бо О́ноя чре́во яви́ся мы́сленный,/ в нёмже Бо́жественный сад,/ от него́же я́дше, жи́ви бу́дем,/ не, я́коже Ада́м, у́мрем.// Христо́с ражда́ется пре́жде па́дший возста́вити о́браз.

**Сугубая ектения**

**5 января, предпразд. Рождества Христова, Мучеников, иже в Крите**

**Диакон:** Помілуй нас, Бóже, по велицей мілости Твоёй, мо́лим Ти ся, услы́ши и помілуй.

**Лик:** Го́споди, помілуй (*трижды*).

**Диакон:** Ещё мо́лимся о Вели́ком Госпо́дине и Отце́ на́шем Святе́йшем Патри́архе Кири́лле, и всей во Христé бра́тии на́шей.

**Лик:** Го́споди, помілуй (*трижды*). (*на каждое прошение*)

**Священник:** Яко Милостив и Человеколю́бец Бог еси́, и Тебе́ сла́ву возсыла́ем, Отцу́ и Сы́ну и Свято́му Ду́ху, ны́не и прісно и во ве́ки веко́в.

**Лик:** Ами́нь.

**Диакон:** Прему́дрость.

**Лик:** Благосло́ві.

**Священник:** Сый благосло́вен Христос́ Бог наш, всегда́, ны́не и прісно и во ве́ки веко́в.

**Лик:** Ами́нь. Утверди́, Бóже, / святу́ю правосла́вную ве́ру, правосла́вных христиа́н / во век ве́ка.

**Священник:** Пресвята́я Богоро́дице, спаси́ нас.

**Лик:** Честне́йшую Херуви́м и сла́внейшую без сравне́ния Серафи́м, без ислéния Бо́га Сло́ва ро́ждшую, су́щую Богоро́дицу Тя велича́ем.

**Священник:** Сла́ва Тебе́, Христé Бóже, упова́ние на́ше, сла́ва Тебе́.

**Лик:** Сла́ва Отцу́ и Сы́ну и Свято́му Ду́ху, и ны́не и прісно и во ве́ки веко́в. Ами́нь. Го́споди, помілуй (*трижды*). Благосло́ві. (или ....Влыдыко, благослови)

### **Священник глаголет Отпуст**

Христос́ Истинный Бог наш, моли́твами Пречи́стыя Своея́ Ма́тере, предста́тельства честных Небе́сных Сил Безплóтных: святых сла́вных и всехва́льных Апóстол, свт. Николая, архиепископа Мир Ликийских, Чудотворца, прор. Авваку́ма, святых пра́ведных Богооте́ц Иоакима и А́нны, и всех святых, помілуе́т и спасе́т нас, я́ко Благ и Человеколю́бец.

5 января, предпразд. Рождества Христова, Мучеников, иже в Крите

**Многолетие**

**Лик:** Вели́каго господі́на и отца́ на́шего Кири́лла,/ Святѣ́йшаго Патри́арха Моско́вскаго и всея́ Ру́си,/ богохра́нимую страну́ на́шу Росси́йскую,/ настоя́теля, бра́тию и прихо́жан свята́го хра́ма сегó,/ и вся правосла́вныя христиа́ны,// Го́споди, сохрани́ их на мно́гая ле́та.